

安定縣志序

考周禮職方氏辨司疆域而物情風土無不周知漢太史令採風郡國歲上之天子而山川形勝物力消長之數亦因序一

以洞悉當其時家世其官官世其職他人不與焉後世無專官採輯而凡在郡邑始於是乎有志志者倣古職方太史之遺兼其義而存之者

也我

國家輿圖四海版籍九州  
通志所載業已昭星耀  
日聿彰一統之盛已至  
於一方有峙流之險易  
建置之興除與夫則壤  
序二

定賦物華人傑風俗升  
降艱難便利之所存實  
賴邑志徵厥詳焉戊午  
春余承乏茲土詢邑志  
於諸生諸生愴然而進  
曰定邑志廢缺久矣相

傳自元以來繹騷蹂躪  
散失殆盡而間有殘遺  
亦日就銷沉至明萬曆  
間邑紳張子嘉孚搜輯  
成刻而踵以兵燹尋復  
灰燼要之元以前茫不

序三

可考今或存什一於千  
伯者大約皆自元始云  
嗟乎風土無書文獻罔  
徵蒞茲土者因革利弊  
何所適從而觀風問俗  
者於何採而獻焉迄

今三百餘年莫之整續  
愈久愈泯定其無志也  
已是誰之責也因乘簿  
書之暇咨謀耆舊與邑  
廣文曹晟明經王則周  
杜詩才庠生劉有德張  
序四

思敬彙集而刪次焉核  
實釐定列為八則歸之  
直簡無事粉飾用付剞  
劂求資採覽則他日者  
朝廷有巡方問俗之舉按  
形勢以預修攘撫山河

而念勤恤至於地氣瘠  
饒物產盈縮風俗之淳  
漓教化之通塞鼓鑄英  
傑甄陶節義酌劑時宜  
補偏救弊因風措置聿  
登醇茂庶足當職方之

序五


掌太史之陳也如第云  
圖譜山水摛拾閭巷往  
事此則稗乘野史與志  
義無當也余弗敢取是  
序


賜進士知安定縣事慶源

張爾介撰



序六





安定縣志目錄

凡例

一據事實書不論今昔取其有關係者  
一壇廟載在祀典寺觀不得溷列然或堪輿所取今  
分錄之  
一邊地錢糧更定不常詳載賦役全書今志其見行  
者

一人物始自元時因縣久無志以前皆不可考  
一人品優劣蓋棺後定惟旌揚已定不論存沒皆書

安定縣志

卷一

目錄

一

一貞節概不乏人其表與不表存乎所遇凡有寔行  
者書之凡有道可稱者亦皆書之

一志例不得如國史國史得書者寡不得如家乘家  
乘得書者多班彪曰乎易正直春秋之義云

一舊無兵志兵為邊邑所重今特志之

一詩文序次先客後主必其人果名世或其文有閔  
係則附列之以備文獻之徵

圖八

縣境 山川 城郭 縣治 壇廟 儒學 公署

墩堡

卷之一

地里

疆域 分野 沿革 山川 形勝 古蹟

卷之二

建置

官制 城郭 公署 衙衢 官池 壇廟 寺觀  
里分 驛所 社倉 鋪遍 橋梁 堡砦 烽墩

卷之三

安定縣志

卷一

目錄

二

賦役

錢糧 驛站 官俸 工食 雜項 鹽課 市廛

卷之四

學校

文廟 祀典 祭器式 官學 生徒 學田

飲射 鄉約

卷之五

風土

風俗 土產 災變 雜記

卷之六

人物

名官 官師 鄉賢 科目 明經 監生 鄉行

殉難 孝義 隱逸 列女 恩賜 親貴 技術

流寓

卷之七

武備

武功 武弁 武科 武略 險隘

卷之八

安定縣志

卷一

目錄

三

藝文

詩 記 序

安定縣志

一地里

疆域

安定禹貢為雍州西陸東至會寧縣界一百里南至隴西縣界七十里西至秋道縣界一百里北至金縣界一百二十里東南至通渭縣界一百六十里西北至蘭州界一百八十里西南至渭源縣界二百里東北至會寧縣迭烈巡檢司六百里東北至京師三千六百六十里南至陝西省城一千四百里

安定縣志

卷一

一

東至陝西省城一千二百里東北至固原鎮七百里南至靖遠衛二百八十里又至嘉峪關二千一百里

分野

秦分驪井宿之次按神樞清野安定屬營室一度

沿革

安定春秋戰國時羗戎錯處至漢始屬隴西郡在唐則為渭州西市貿易之所也五代時淪於先零宋元豐中築安西城屬通遠軍金大定中改為定西縣屬鞏州真祐中陞為定西州領安西通西二縣元時首

二縣入州後因地震改名安定州元末為鞏昌副總  
帥呂顯所據明洪武元年魏國公徐達帥師至顯率  
衆歸附改為安定縣屬鞏昌府

山川

鳳凰山東三里自馬苑回翔而來若鳳飛然一名照  
城山

西巖山西二里亦自馬苑蜿蜒數百里與鳳凰山對  
峙

興雲山東北五里埒雨則雲蒸

安定縣志

卷一

二

晴嵐峪山東三十里山多嵐氣

南安山南一里自閔山延袤千里止此為邑主山

城中對山如屏自麓置義塚生氣遂衰見山之處

無噍類今議遷未暇亟待留心地方者

知縣張爾介識

香泉峪山西五十里峪中出泉甚甘

胡麻嶺西六十里漢張騫開西域時携胡麻種過此  
今多野胡麻甘河水發源於此

大栢林山北三十里

漫然山北三十里

雙峪嶺南五十里

百巒山北八十里巒障綿密如絳房然永樂中出龍馬土人莫氏獻於朝遂賜為牧地

錦鷄原西四十里

東河東門外其水苦

西河西門外其味甘城北二水合流三百里至靖遠衛入黃河

麻子川南四十里東河發源

甸子川西四十里西河發源物產盛於他里貿易叢

安定縣志

卷一

三

集明肅府置內管營於此設有百總今裁

瑞麥川西北四十里嘗產瑞麥俗名好麥川

北岔雙泉東南四十里地水皆苦此獨甘

煖河西二十里河凍皆冰獨此不凝魚蝦生焉俗名橫河

得羅川西南二十里土脉肥饒

烏龍川在甸子川之東相傳烏龍曾見於此

伍塚川東北二十五里有古塚五以王侯之封不知時代

關川北八十里西通蘭州北通靖遠俱入黃河

形勝

岡巒迄遷河澗沿流北控金城南連德順西通隴右  
東接會州四衢八達之區山川還繞坡塙倍於川原  
土瘠產畜

古蹟

通西古城南四十里 安西古城北三十里  
平西古城北八十里 關川古城北一百二十里  
佛溝水西四十里甃以磚甃形八角多年不浚泉無

安定縣志

卷一

四

消長因名聖水禱雨有驗今寺廢泉壅

杏花泉在西鞏驛知縣輝應翼為居人無冰開浚上  
植杏花一株因名杏花泉

二建置

官制

知縣一員 縣丞一員 明萬曆中裁 典史一員

教諭一員 訓導一員 康熙初年裁

延壽驛丞一員 康熙初年裁 併歸縣

西鞏驛丞一員 通安驛丞一員

秤鈞驛驛丞一員  
延壽等四所各設大使一員  
今裁

### 城郭

縣舊城周圍三里三分南北西門宋紹聖中涇源道經畧使章凖所築明正統中知縣杜讓增擴六里三分城高三丈基濶五丈頂二丈五尺女牆六尺深如之閉城樓櫓四十二處鎮樓五座四角有飛樓三間俱為甕城壯偉盡剝雖係土城邊寇稱為鐵櫃云  
城四正道衢四隅阻塞古用武之地今規模雖具

## 安定縣志

### 卷一

#### 五

歷久不堅年來民困飛輓整葺尚未遑也  
知縣張爾介識  
公署

安定縣創自明初洪武末知縣周杰增備大門左為土地祠右為縣獄正堂五間左有儀仗庫右有贊政廳縣丞衙在儀門之右今廢典史衙在贊政廳之右察院在縣東明知縣曹銘建

布政分司按察分司俱與縣治對府公館在縣治惠愛街之左因張家宰舊宅也今俱廢  
醫學在城隍廟之右

稅課局在縣治西今廢

廣富倉在縣治東北明成化中建

預備倉與縣門對偏西

養濟院在北城門內

教場在城北二里許舊有演武廳

嶼口巡檢司在縣北五十里成化中監生劉昱奏請

設立今裁宜復

鷄嘴巡檢司在縣東百里今裁宜復

街衢

安定縣志

卷一

六

通遠街

惠愛街

武安街

以上城內中和街

麗陽街

錢陽街

以上城內

馬站巷

廣富倉巷

以上城內

真武巷

土地巷

許家巷

顏家巷

牛站院

以上城內

官池

馬站池

西湖池

顏家巷池

壇廟

正祀

風雲雷雨壇在南郊外

社稷山川壇在城之西北